

6 Mac 2018

Tuan/Puan,

#### **PERUBAHAN PADA SIJIL DAN PROSES PERMOHONAN PENSIJILAN BERKEMBAR SPM-LCCI 2018/2019**

---

Saya dengan segala hormatnya merujuk kepada perkara di atas.

Pihak Pearson Malaysia ingin merakamkan ucapan jutaan terima kasih kepada pihak tuan/puan yang sentiasa membantu para pelajar lepasan SPM dalam permohonan Pensijilan Berkembar SPM-LCCI.

Pihak kami ingin memaklumkan terdapat beberapa perubahan pada pensijilan SPM-LCCI bermula bagi pelajar lepasan SPM 2018. Perubahan-perubahan ini adalah hasil daripada perbincangan bersama pihak Lembaga Peperiksaan dan melibatkan sijil dan proses permohonan sijil itu sendiri.

Perubahan-perubahan tersebut adalah seperti yang berikut:

##### **i) Nama Sijil**

Mulai untuk tempoh permohonan bagi pelajar lepasan SPM 2018, nama pensijilan LCCI diubah kepada ***Pearson LCCI Level 2 Certificate in Book-keeping and Accounts (assessed in Bahasa Melayu)***.

##### **ii) Kelayakkan Memohon**

Kelayakan pelajar untuk memohon dinyatakan di bahagian bawah slip keputusan SPM, dalam bentuk gred keputusan LCCI. Hanya pelajar yang mempunyai gred keputusan LCCI ini sahaja yang dibenarkan untuk memohon pensijilan ini.

##### **iii) Cara Memohon**

Mulai tempoh permohonan bagi pelajar lepasan SPM 2018, semua permohonan perlu dibuat melalui permohonan atas talian (*Online Application*) sahaja. Permohonan ini boleh dibuat melalui laman sesawang [www.lcciasia.com](http://www.lcciasia.com). **Permohonan secara manual atau melalui pos tidak lagi diterima.**

Pelajar yang memohon perlu memuat naik **salinan kad pengenalan** dan **salinan slip keputusan SPM** sebelum memulakan permohonan. Pembayaran perlu dibuat melalui perbankan atas talian (*online banking*) secepat selepas mengisi maklumat permohonan di laman berkenaan. Hanya permohonan yang lengkap berserta pembayaran sahaja yang akan diproses.

##### **iv) Tempoh Permohonan**

Tempoh permohonan bagi pelajar lepasan SPM 2018 akan dibuka pada **14 Mac 2019 sehingga 31 Oktober 2019**. Permohonan yang dibuat dalam tempoh **14 Mac 2019 sehingga 30 April 2019** akan diproses sebagai kumpulan pertama dan sijil-sijil akan mula diedarkan ke sekolah masing-masing bermula dari bulan **Disember 2019**. Permohonan yang dibuat dalam tempoh **1 Mei 2019 sehingga 31 Oktober 2019** pula akan diproses sebagai kumpulan kedua dan sijil-sijil akan mula diedarkan ke sekolah masing-masing bermula dari bulan **Februari 2020**.



**Pearson Malaysia Sdn Bhd**  
**LCCI International Qualifications**

Level 1, Tower 2A,  
Avenue 5, Bangsar South  
No.8, Jalan Kerinchi  
59200 Kuala Lumpur

**T** +60 (3) 2289 7000

**W** [qualifications.pearson.com](http://qualifications.pearson.com)

**v) Yuran Pemprosesan**

Yuran pemprosesan bagi pensijilan SPM-LCCI bermula bagi tempoh permohonan tahun 2019, termasuk caj bagi perkhidmatan permohonan atas talian, adalah seperti yang berikut:

RM 35.00 (Yuran Pemprosesan) + RM 2.25 (Caj E-Service) = **RM 37.25**

Sekali lagi kami ingin menyatakan setinggi-tinggi penghargaan dari pihak kami diatas sokongan yang telah diberikan oleh pihak tuan/puan selama ini. Diharapkan maklumat mengenai perubahan-perubahan pada pensijilan ini dapat disampaikan kepada pihak-pihak yang berkenaan bagi memudahkan urusan permohonan pelajar bagi mendapatkan pensijilan ini.

Jika terdapat sebarang pertanyaan mengenai pengumuman ini, sila hubungi pihak Pearson Malaysia di talian 03-2289 7000 atau terus kepada saya di talian 012-6927469. Tuan/Puan juga boleh menghubungi saya melalui emel di [hisyam.suhaimi@pearson.com](mailto:hisyam.suhaimi@pearson.com) atau melalui Pn. Norfaiza di [noorfaiza.mohdsafawi@pearson.com](mailto:noorfaiza.mohdsafawi@pearson.com).

Sekian, terima kasih.

Yang benar,

A handwritten signature in black ink, appearing to read 'Hisyam'.

**HISYAM BIN MD. SUHAIMI**

Key Account Manager  
Pearson Qualifications